

Bosna i Hercegovina
Republika Srpska
Okružni sud u Doboju
Broj: 013-0-Su-24-000 453
Doboj, 11.11.2024. godine

Strateški plan rada
2025 - 2027
Godišnji program rada
za 2025. godinu
Okružni sud u Doboju

Doboj, novembar 2024. godine

SADRŽAJ

A. Uvod	2
1) Opis nadležnosti suda, s vizijom i izjavom o misiji. Mandat, misija i vizija.....	3
2) Sažetak analize strateškog okvira	4
3) Pregled strateških / trogodišnjih ciljeva za period strateškog planiranja.....	5
4) Sažetak prioriteta za plansku godinu, kao i procjene mogućih problema i rizika u realizaciji	6
4) Analiza unutarnjeg i vanjskog okruženja u kojem radi sud.....	7
B. Pregled ciljeva i godišnjih aktivnosti po strateškim i trogodišnjim ciljevima.....	9
C. Godišnji plan rješavanja sudskih predmeta	12
D. Ostale informacije.....	12

A. Uvod

Strateško planiranje je snažan instrument koji pomaže instituciji odrediti smjer u kojem će se kretati, na način da kroz proces strateškog planiranja institucija utvrđuje svoje ciljeve, prioritete i strategije i definiše mjere za procjenu uspješnosti ostvarenja tih ciljeva. To je proces koji pomaže sudu da planira svoje buduće projekte i aktivnosti, utvrdi prioritete i efikasno rasporedi resurse po definisanim prioritetima, kao i da prati napredak provedbe utvrđenih ciljeva.

Na osnovu Uputstva Visokog sudskog i tužilačkog savjeta Bosne i Hercegovine za strateško planiranje i izvještavanje u sudovima u Bosni i Hercegovini, broj: 12-02-2-1124-1/2023 od 08.02.2023. godine (u daljem tekstu: Uputstvo), sudovi su ovlašteni za izradu svojih strateških planova koji će doprinijeti kvalitetnijem i efikasnijem radu samog suda.

Odlukom predsjednika suda o imenovanju Radnog tima za izradu srednjoročnog i godišnjeg programa rada suda i Koordinatora za strateško planiranje i izvještavanje u ovom sudu, broj: 013-0-Su-24-000 453 od 28.10.2024. godine imenovani su radni tim i koordinator strateškog planiranja i izvještavanja, s ciljem pripreme i izrade programa rada suda i praćenja provođenja plana i izvještavanja.

Program rada Okružnog suda u Doboju predviđa realizaciju zadataka i poslova iz obavljanja sudske funkcije u granicama nadležnosti koje proizilaze iz Ustava Bosne i Hercegovine, Ustava Republike Srpske, Zakona o sudovima u Republici Srpskoj, Zakona o Visokom sudskom i tužilačkom savjetu Bosne i Hercegovine, te drugih zakonskih i podzakonskih propisa kojima se reguliše nadležnost sudova. Ovim Programom rada osiguravaju se uslovi za blagovremeno, efikasno i kvalitetno obavljanje poslova iz utvrđene nadležnosti suda, a sam Program rada sadrži, pored redovnih aktivnosti, i aktivnosti na godišnjem nivou koje će se preduzimati kako bi se implementirali strateški ciljevi iz usvojenih strateških dokumenata.

Osnovni zadatak Okružnog suda u Doboju biće nastavak održavanja ažurnosti postignute u proteklom periodu u vezi svih poslova i zadataka u okviru nadležnosti suda, zatim poboljšanje kvaliteta rada ili održavanja postignutog nivoa efikasnog izvršavanja svih poslova i zadataka koji proizilaze iz zakona i drugih pozitivnih propisa. U svom radu sud će davati prioritet u predmetima i postupcima koji se po zakonu smatraju hitnim. Sud će striktno postupati po planu rješavanja predmeta, kao i do sada.

Na realizaciji Programa rada Okružnog suda u Doboju neposredno će raditi sudije ovog suda sa predsjednicima sudskih odjeljenja i predsjednikom suda. Takođe će na realizaciji Programa rada učestvovati i ostalo administrativno osoblje, kao i viši stručni saradnici Okružnog suda u Doboju.

1) Opis nadležnosti suda, s vizijom i izjavom o misiji. Mandat, misija i vizija

MANDAT:

Na osnovu člana 31. Zakonom o sudovima Republike Srpske („Službeni glasnik Republike Srpske“, broj: 37/12, 14/14, 44/14, 39/16 i 100/17), Okružni sud je stvarno nadležan:

1) Prvostepena nadležnost:

- a) da sudi za krivična djela za koja je zakonom propisana kazna veća od deset godina ili dugotrajni zatvor, ako zakonom nije određena nadležnost drugog suda,
- b) da postupa u toku istrage i nakon podizanja optužnice u skladu sa zakonom,
- c) da sudi za krivična djela za koja je Sud Bosne i Hercegovine prenio nadležnost na okružne sudove,
- d) da odlučuje u svim upravnim sporovima i to prema sjedištu prvostepenog upravnog organa, kao i o zahtjevima za zaštitu sloboda i prava utvrđenih ustavom, ako su takve slobode i prava povrijeđena konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu, kada za zaštitu tih prava nije obezbijeđena druga sudska zaštita,

2) Drugostepena nadležnost:

- a) da odlučuje o žalbama protiv odluka osnovnih sudova,
- b) da odlučuje o drugim redovnim i vanrednim pravnim lijekovima, ako je to određeno zakonom,

3) Ostala nadležnost okružnog suda je da:

- a) rješava o sukobu mjesne nadležnosti između osnovnih sudova sa svog područja u skladu sa zakonom,
- b) odlučuje o prenosu mjesne nadležnosti sa jednog osnovnog suda na drugi osnovni sud na svom području,
- c) odlučuje o brisanju osude i prestanku mjera bezbjednosti i pravnih posljedica osude, na osnovu sudske odluke,
- d) postupa po molbama za pomilovanje u skladu sa zakonom,
- e) rješava o priznanju odluka stranih sudova, stranih trgovačkih sudova i stranih arbitraža,
- f) pruža međunarodnu pravnu pomoć u krivičnim predmetima,
- g) odlučuje o pravnim lijekovima protiv odluka svojih vijeća kada je to zakonom određeno i
- h) vrši druge poslove određene zakonom.

VIZIJA:

Okružni sud u Doboju, kao profesionalno i nezavisno pravosudno tijelo, usmjerava svoje resurse u cilju uspostave vladavine prava, uvažavajući najviše standarde primjene i zaštite ljudskih prava i osnovnih sloboda s potpunim povjerenjem javnosti.

MISIJA:

Okružni sud u Doboju nezavisno i samostalno vrši sudska vlast u okviru djelokruga iz nadležnosti određene zakonom, usmjeren na dalji razvoj nezavisnosti, nepristrasnosti i efikasnosti pravosuđa, te pravne sigurnosti svih građana dobojske regije i društva u cjelini.

2) Sažetak analize strateškog okvira

Strateško planiranje je kontinuirani proces utvrđivanja ciljeva i instrumenata za njihovo provođenje, pri čemu se jasno definišu prioritete i pravci razvoja. Prilikom utvrđivanja strateških ciljeva i pripreme Godišnjeg programa rada, Okružni sud u Doboju uzeo je u obzir sve obaveze koje proizilaze iz zakona i strateških dokumenata relevantnih za sektor pravde i to:

- Ustav Bosne i Hercegovine, Ustav Republike Srpske,
- Zakon o sudovima Republike Srpske,
- Strateški plan Visokog sudskog i tužilačkog savjeta Bosne i Hercegovine,
- Strategija za reformu sektora pravde u Bosni i Hercegovini
- Zakon o zaštiti prava na suđenje u razumnom roku,
- Državna strategija za rad na predmetima ratnih zločina,
- Pravilnik o vremenskim okvirima za postupanje po predmetima u Bosni i Hercegovini,
- Strateški dokumenti EU (Agenda 2030).

Ustav Bosne i Hercegovine sadrži katalog ljudskih prava i osnovnih sloboda koja uživaju sva lica na teritoriji Bosne i Hercegovine, te predviđa direktnu primjenu prava i sloboda predviđenih Evropskom konvencijom za zaštitu ljudskih prava i osnovnih sloboda.

Zakon o sudovima Republike Srpske uređuje organizaciju, nadležnost i funkcionisanje sudova u Republici Srpskoj. Sudovi su samostalni i nezavisni od zakonodavne i izvršne vlasti i zabranjen je svaki oblik uticaja na donošenje sudskih odluka. Sudovi u svom radu postupaju nepristrasno i odluke donose u razumnom roku.

Strateški plan Visokog sudskog i tužilačkog savjeta Bosne i Hercegovine je ključni dokument prema kojem se usklađuju strateški ciljevi svih pravosudnih institucija u Bosni i Hercegovini.

Strategija za reformu sektora pravde u Bosni i Hercegovini (SRSP) je strateški okvir za cjelokupan sektor pravosuđa u BiH koja predviđa da će svaka institucija revidirati svoje postojeće strateške planove ili izraditi nove koji će biti u skladu s strateškim okvirom cjelokupnog sektora.

Zakon o zaštiti prava na suđenje u razumnom roku uređuje zaštitu prava na suđenje u razumnom roku, kao i pravo na pravično zadovoljenje zbog povrede prava na suđenje u razumnom roku, koje se ostvaruje u sudskom postupku na način i pod uslovima propisanim tim Zakonom.

Državna strategija za rad na predmetima ratnih zločina naglašava opredeljenost BiH da se najsloženiji predmeti ratnih zločina procesuiraju pred Sudom BiH i Tužilaštvom BiH, a da se predmeti koji se ocijene kao manje složeni procesuiraju pred kantonalnim i okružnim sudovima i entitetskim tužilaštvima i pred pravosuđem Brčko distrikta BiH.

Pravilnik o vremenskim okvirima za postupanje po predmetima u Bosni i Hercegovini utvrđuje kriterije i metodologiju za određivanje i praćenje poštivanja optimalnih i predvidivih rokova za rješavanje predmeta u skladu sa Smjernicama Evropske komisije za efikasnost pravosuđa.

3) Pregled strateških i trogodišnjih ciljeva za period strateškog planiranja

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Jačanje transparentnosti u radu suda	Strategija za reformu sektora pravde u Bosni i Hercegovini za razdoblje od 2021. do 2027. godine	411000 - Rashodi za lična primanja zaposlenih	Visoki sudski i tužilački savjet Bosne i Hercegovine
Pokazatelji za krajnje rezultate	Očekivani rezultati po godinama		
	2025	2026	2027
Procent objavljenih podataka o rezultatima rada suda	100%	100%	100%
Broj objava odluka suda na web stranici veći za 20% na godišnjem nivou	20	24	28

Naziv strateškog cilja (maksimalno 3-5 strateških ciljeva)	Izvor (veza sa ciljevima iz strateškog okvira)	Program u DOB-u (Upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Jačanje kapaciteta suda sa ciljem povećanja efikasnosti i kvaliteta u njegovom radu	Strategija za reformu sektora pravde u Bosni i Hercegovini za razdoblje od 2021. do 2027. godine	411000 - Rashodi za lična primanja zaposlenih	Visoki sudski i tužilački savjet Bosne i Hercegovine
Pokazatelji za krajnje rezultate	Očekivani rezultati po godinama		
	2025	2026	2027
Smanjenje broja neriješenih krivičnih predmeta za 5% na godišnjem nivou	162 predmeta	154 predmeta	146 predmeta
Smanjenje dužine trajanja postupaka u upravnom sporu za	160 dana	155 dana	150 dana

3% na godišnjem nivou			
Broj riješenih predmeta ratnih zločina	Riješen 1 predmet	Riješen 1 predmet	Riješen 1 predmet
Zadržavanje postojećeg kvaliteta sudskih odluka	92%	92%	92%

4) Sažetak prioriteta za plansku godinu, kao i procjene mogućih problema i rizika u realizaciji

Rad suda i njegove nadležnosti su definisane Zakonom o sudovima Republike Srpske, a prioritet Okružnog suda u Doboju je da nastavi sa transparentnim i efikasnim radom, odnosno da zadrži postojeći kvalitet sudskih odluka, kao i da smanji broj neriješenih predmeta na krivičnom referatu i predmetima ratnih zločina. Okružni sud u Doboju će nastojati svojim radom doprinijeti ostvarenju sljedećih strateških ciljeva:

Strateški cilj 1:

„Jačanje transparentnosti u radu suda“

Navedeni cilj je dio Srednjoročnog (strateškog) plana rada Visokog sudskog i tužilačkog savjeta Bosne i Hercegovine za period 2025.-2027. godine, koji se između ostalog naslanja na Reformski program Visokog sudskog i tužilačkog savjeta Bosne i Hercegovine za period 2024.-2026. godine, ali i dio Strategije za reformu sektora pravde u Bosni i Hercegovini za razdoblje od 2021. do 2027. godine. Ovim strateškim ciljem se želi postići veći stepen povjerenja javnosti u rad suda, pa će Okružni sud u Doboju nastojati doprinijeti realizaciji postavljenog strateškog cilja kroz sljedeće trogodišnje ciljeve:

- Trogodišnji CILJ 1: **Povećanje broja objava podataka o rezultatima rada suda**

Trogodišnji cilj suda je unaprijediti dostupnost informacija o radu pravosudnih institucija široj javnosti i medijima. Plan suda je objavljivati na svojoj službenoj web stranici informacije o radu institucije, informacije vezane za protok predmeta i rad na planovima rješavanja predmeta u sudu, kao i o kvalitetu sudskih odluka.

- Trogodišnji CILJ 2: **Povećanje broja objava odluka suda zanimljivih za širu javnost**

U iduće tri godine sud planira povećati broj objava odluka koje izdvoje predsjednici sudskih odjeljenja kao odluke od posebnog značaja za širu javnost. Ovim trogodišnjim ciljem želi se postići veći stepen povjerenja javnosti u rad suda.

Strateški cilj 2

„Jačanje kapaciteta suda sa ciljem povećanja efikasnosti i kvaliteta u njegovom radu“

Navedeni cilj je dio Srednjoročnog (strateškog) plana rada Visokog sudskog i tužilačkog savjeta Bosne i Hercegovine za period 2025.-2027. godine, koji se između ostalog naslanja na Reformski program Visokog sudskog i tužilačkog savjeta Bosne i Hercegovine za period 2024.-2026. godine, ali i dio Strategije za reformu sektora pravde u Bosni i Hercegovini za razdoblje od 2021. do 2027. godine. Okružni sud u Doboju će kroz svoje aktivnosti nastojati doprinijeti realizaciji postavljenog strateškog cilja, a time i jačanju pravosudnog sistema u cjelini. Ostvarenje navedenog strateškog cilja Okružni sud u Doboju će nastojati realizovati kroz sljedeće trogodišnje ciljeve:

- Trogodišnji CILJ 1: **Smanjenje broja neriješenih krivičnih predmeta za 5% na godišnjem nivou**

Cilj suda je postavljen uzimajući u obzir sveukupni cilj pravosudnog sektora, odnosno učinkovitost i skraćanje vremena trajanja postupka, a cilj je smanjiti broj neriješenih krivičnih predmeta za 5% na godišnjem nivou.

- Trogodišnji CILJ 2: **Smanjenje dužine trajanja postupaka u upravnom sporu za 3% na godišnjem nivou**

Cilj suda je postavljen uzimajući u obzir sveukupni cilj pravosudnog sektora, odnosno učinkovitost i skraćanje vremena trajanja postupka, a cilj je skratiti dužinu trajanja postupka u upravnim sporovima za 3% na godišnjem nivou.

- Trogodišnji CILJ 3: **Smanjiti broj neriješenih predmeta ratnih zločina**

Trogodišnji cilj suda je da u okviru svog mandata realizuje postavljene zadatke, a uzimajući u obzir Državnu strategiju za rad na predmetima ratnih zločina, te da u trogodišnjem periodu smanji broj neriješenih predmeta ratnih zločina.

- Trogodišnji CILJ 4: **Zadržati postojeći kvalitet sudskih odluka**

Cilj suda je i u narednom periodu zadržati postojeći kvalitet sudskih odluka iznad 92%.

4) Analiza unutarnjeg i vanjskog okruženja u kojem radi sud

UNUTARNJI FAKTORI/ČIMBENICI	SNAGE (STRENGTHS)	SLABOSTI (WEAKNESSES)
	✓ Stručan kadar unutar suda i sudije sa višegodišnjim iskustvom ✓ Odlični uslovi rada i materijalno-tehnička opremljenost suda ✓ Sigurno finansiranje, redovne isplate plata i doprinosa za sve zaposlene u sudu ✓ Kvalitetni interni akti koji uređuju organizaciju i sistematizaciju, profesionalnost i etičnost	✓ Nedovoljna popunjenost sudijskog kadra ✓ Povećan broj neriješenih krivičnih predmeta ✓ Otežano vođenje krivičnih postupaka u predmetima ratnih zločina zbog nedostupnosti optuženih lica

VANJSKI FAKTORI/ČIMBENICI	PRILIKE (OPPORTUNITIES)	PRIJETNJE (THREATS)
	✓ Imenovanje sudija u sud u skladu sa sistematizacijom radnih mjesta ✓ Učešće u projektima (Projekat unapređenja kvaliteta pravosuđa, Projekat unapređenja rada na predmetima ratnih zločina u BiH) ✓ Rast prosječne plate u Republici Srpskoj i rast plata zaposlenih u institucijama pravosuđa ✓ Redovne isplate plata i doprinosa za zaposlene ✓ Interes javnosti i medija za rad suda	✓ Uticaj političkog sistema na rad pravosuđa, a prije svega na saradnju sa pravosudnim organima Republike Hrvatske ✓ Dužina trajanja postupaka pred drugim sudovima i organima, od čijeg okončanja zavisi i okončanje postupka pred ovim sudom ✓ Nedostatak sredstava u budžetu za pravilno funkcionisanje rada suda ✓ Neizvjesnost nabavke novih računara potrebnih zbog prelaska rada na Windows 11

Okružni sud u Doboju kao svoje najveće snage ističe stručne, iskusne i edukovane sudije i radnike suda, koji rade u uslovima sigurnog finansiranja, kako plata, tako i drugih naknada, te dobre materijalno-tehničke opremljenosti suda. Sud je u proteklom periodu donio niz internih akata kojima je uređena organizacija rada u sudu, te pospješena profesionalnost i etičnost zaposlenih u radu.

Sa druge strane, kao najveće slabosti Okružni sud u Doboju je prepoznao nedovoljnu popunjenost sudijskog kadra, što utiče na cjelokupne rezultate u radu suda (otežano formiranje sudijskih vijeća, naročito u krivičnim predmetima, povećan broj neriješenih krivičnih predmeta..).

Što se tiče prilika, ističe se rast plata u zaposlenih u institucijama pravosuđa, što bi ubuduće trebalo spriječiti tzv. osipanje kadrova, prije svega radnika iz treće i četvrte platne grupe, a prilika su i nova imenovanja sudija u sud u skladu sa sistematizacijom radnih mjesta, te nastavak učešća suda u projektima.

Okružni sud u Doboju je kao najveću prijetnju prepoznao uticaj političkog sistema na rad pravosuđa, koja se ogleda u nepostojanju saradnje nadležnih ministarstava Bosne i Hercegovine i Republike Hrvatske, što onemogućava saradnju sa pravosudnim organima Republike Hrvatske i rješavanje (prije svega) predmeta ratnih zločina. Takođe, prijetnja je i nedostatak sredstava u budžetu za pravilno funkcionisanje rada suda, odnosno sudovi generalno svake godine u budžetu dobijaju sve manje sredstava, dok obaveze suda konstantno rastu u skladu sa promjenama u pravnom sistemu ali i potrebnim održavanjem postojeće materijalne i tehničke opremljenosti suda. Pored toga, postoji i neizvjesnost nabavke 2/3 novih računara potrebnih zbog prelaska rada na Windows 11 jer sredstva još nisu obezbijeđena, iako su tražena.

B. Pregled ciljeva i godišnjih aktivnosti po strateškim i trogodišnjim ciljevima

Strateški cilj 1		Jačanje transparentnosti u radu suda		
Trogodišnji cilj 1.1.		Povećanje broja objava podataka o rezultatima rada suda		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Procent objavljenih podataka o rezultatima rada suda		100%	100%	100%
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Objava statističkih podataka o radu suda	I-IV		IKT službenik i predsjednici sudskih odjeljenja
2.	Objava saopštenja za javnost	I-IV		IKT službenik i službenik za informisanje

Strateški cilj 1		Jačanje transparentnosti u radu suda		
Trogodišnji cilj 1.2.		Povećanje broja objava odluka suda zanimljivih za širu javnost		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Broj objava odluka suda na web stranici veći za 20% na godišnjem nivou		20	24	28
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Objava odluka suda zanimljivih za širu javnost	I-IV		IKT službenik i predsjednici sudskih odjeljenja
2.	Kontrola sadržaja na internet stranici suda	I-IV		IKT službenik i službenik za informisanje

Strateški cilj 2		Jačanje kapaciteta suda sa ciljem povećanja efikasnosti i kvaliteta u njegovom radu		
Trogodišnji cilj 2.1.		Smanjenje broja neriješenih krivičnih predmeta		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)

Smanjenje broja neriješenih krivičnih predmeta za 5% na godišnjem nivou		162 predmeta	154 predmeta	146 predmeta
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Raspoređivanje krivičnih predmeta na još jednog sudiju	IV		Predsjednik suda
2.	Kontrola poštivanja Pravilnika o vremenskim okvirima za postupanje po predmetima	I-IV		Predsjednik suda
3.	Analizirati mogućnost presigniranja predmeta u slučaju većeg priliva	I-IV		Predsjednik suda

Strateški cilj 2		Jačanje kapaciteta suda sa ciljem povećanja efikasnosti i kvaliteta u njegovom radu		
Trogodišnji cilj 2.2.		<i>Smanjenje dužine trajanja postupaka u upravnim sporovima</i>		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Smanjenje dužine trajanja postupaka u upravnom sporu za 3% na godišnjem nivou		160 dana	155 dana	150 dana
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Analiza razloga dužine trajanja upravnih sporova na sjednici odjeljenja i predlaganje mjera	I-IV		Građansko, privredno i upravno odjeljenje suda
2.	Provođenje usvojenih mjera	I-IV		Građansko, privredno i upravno odjeljenje suda
3.	Nadzor nad provođenjem usvojenih mjera	I-IV		Predsjednik građansko, privredno i upravno odjeljenje suda

4.	Dosljedna primjena Pravilnika o vremenskim okvirima za postupanje po predmetima i odredbe ZPP-a i ZUS-a	I-IV	Građansko, privredno i upravno odjeljenje suda
----	---	------	--

Strateški cilj 2		Jačanje kapaciteta suda sa ciljem povećanja efikasnosti i kvaliteta u njegovom radu		
Trogodišnji cilj 2.3.		Smanjiti broj neriješenih predmeta ratnih zločina		
Pokazatelji za izlazne rezultate		Očekivani rezultati po godinama		
		2025 (n)	2026 (n+1)	2027 (n+2)
Broj riješenih predmeta ratnih zločina		Riješen 1 predmet	Riješen 1 predmet	Riješen 1 predmet
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Analiza dužine trajanja neriješenih predmeta ratnih zločina	I-IV		Krivično-prekršajno odjeljenje suda
2.	Intenziviranje komunikacije sa Ministarstvom pravde u pogledu nedostupnih lica	I-IV		Krivično-prekršajno odjeljenje suda
3.	Održavanje sastanaka i razmatranje aktuelnih pitanja u predmetima ratnih zločina u okviru projekta "Unapređenje rada na predmetima ratnih zločina u BiH".	I-IV		Krivično-prekršajno odjeljenje suda

Strateški cilj 2		Jačanje kapaciteta suda sa ciljem povećanja efikasnosti i kvaliteta u njegovom radu		
Trogodišnji cilj 2.4.		Zadržati postojeći kvalitet sudskih odluka		
		Očekivani rezultati po godinama		

Pokazatelji za izlazne rezultate		2025 (n)	2026 (n+1)	2027 (n+2)
Zadržavanje postojećeg kvaliteta sudskih odluka		92%	92%	92%
Redni broj	Naziv aktivnosti za 2025. godinu	Rok izvršenja (po kvartalima u 2025. godini)		Nositelj (najmanji organizacijski dio)
1.	Redovno održavanje sjednica sudskih odjeljenja i razmatranje aktuelne sudske prakse	I-IV		Građansko, privredno i upravno odjeljenje i Krivično-prekršajno odjeljenje suda
2.	Dostavljanje odluka Vrhovnog suda Republike Srpske svim sudijama i višim stručnim saradnicima suda radi upoznavanja sa aktuelnom sudskom praksom	I-IV		Pisarnica suda
3.	Redovno učešće sudija na edukacijama	I-IV		Sud

C. Godišnji plan rješavanja sudskih predmeta

Plan rješavanja predmeta u sudovima se izrađuje u skladu s važećim Uputstvom za izradu planova rješavanja predmeta usvojenog od strane Visokog sudskog i tužilačkog savjeta Bosne i Hercegovine.

D. Ostale informacije

Redni broj	Radno mjesto	Sistematizovano	Popunjeno	Upraznjeno
1.	Predsjednik suda	1	1	0
2.	Redovni sudija	12	11	1
3.	Dodatni sudija	0	0	0
4.	Sekretar suda	1	1	0
5.	Viši stručni saradnik	4	2	2
6.	Sudijski pripravnik	2	1	1

7.	Sudijski pripravnik - volonter*	2	1	1
8.	Referent za personalne poslove	1	0	1
9.	Tehnički sekretar	1	1	0
10.	Šef pisarnice	1	1	0
11.	Referent za upravljanje predmetima	2	2	0
12.	Arhivar	1	1	0
13.	Šef računovodstva	1	1	0
14.	Referent za obračun plata i likvidator	1	1	0
15.	Viši stručni saradnik za računovodstvene poslove	1	1	0
16.	Referent za blagajničke poslove	1	1	0
17.	IKT službenik	1	1	0
18.	Informatičar	1	1	0
19.	Daktilograf-asistent	8	8	0
20.	Vozač - sudski dostavljač	1	1	0
21.	Radnik na održavanje čistoće	2	2	0
22.	Referent za unos podataka i prijem i otpremu pošte	1	1	0
	UKUPNO:	46	40	6

Sredstva za izvršenje godišnjeg programa rada za 2025. godinu ovog suda bila bi dovoljna u iznosu od 2.860.200 KM, koliko je traženo u prijedlogu budžeta za 2025. godinu. Infrastrukturni kapacitet suda je zadovoljavajući i omogućava normalno funkcionisanje suda, dok materijalno-tehnički kapacitet suda trenutno jeste zadovoljavajući, ali obavezan prelazak rada na Windows 11 od oktobra 2025. godine može predstavljati ograničenje/izazov u provođenju godišnjeg programa rada, ukoliko sud u narednom periodu ne bude uspio da nabavi 2/3 novih računara koji podržavaju rad Windows 11 sistema, za šta predsjednik suda ulaže stalne napore da se u budžetu planira nabavka tih novih računara.